

大同縣志卷四

疆域

四鄉圖

指掌圖

山川

水利

邑境如渾水自北而南而桑乾河由西而東復右出武周川如東帶之相依西北諸峯有官止神行之趣採掠白登映帶左右詩日相其陰陽觀其流泉前人之經營締造於茲者不特三晉之屏藩且為中原之保障也兩山之間必有水焉茲於條理脉絡序次極詳若明夫高下原隰之勢則水利農桑田疇家室因其宜而利導之轉瘠而沃斯無負於守土之責也乎

欲明疆域必考据山川尤必先按道里蓋道里之遠近而村莊之方向繫之山川亦在其中矣列以四圖瞭如指掌

大同縣志

卷四

疆域

一





大同縣志

卷四

疆域

城東一百九十四村道里遠近指掌圖

秦府樓 三里	紫家莊 三里	前古城 五里	後古城 五里	祁家城 五里
赫家莊 八里	小家莊 八里	關府兩 八里	蘇家莊 十里	寺家莊 十里
水泊寺 十里	魏家莊 十里	石家莊 十里	西子東莊 十里	東王家莊 十里
西勝院坊 二十里	東勝院坊 二十里	蘇州峽 二十里	關家莊 三十里	鶯坊溝 三十里
馬道莊 二十里	安醫莊 二十里	蔡家莊 三十里	月家堡 三十里	三十里舖 三十里
月家堡 三十里	獨樹兒 三十里	解 三十里	賈家堡 四十里	周士莊 四十里
後四十里舖 四十里	四十里舖 四十里	五家堡 四十里	任家小村 四十里	康家莊 四十里
路家莊 四十里	惠家堡 四十里	駝 坊 四十里	上莊兒 四十里	下莊兒 四十里
小方城 四十里	大方城 四十里	河堡村 四十里	崔家莊 四十里	千下村 四十里
李江灣 四十里	長樂莊 四十里	崔家莊 四十里	東來莊 五十里	茹家莊 五十里
陳家溝 五十里	陳家莊 五十里	東來莊 五十里	西水頭 五十里	賀家店 五十里
官堡子 五十里	寺兒上 五十里	西平村 五十里	上高莊 五十里	下高莊 五十里
下高莊 五十里	中高莊 五十里	陳家莊 五十里	陳家莊 五十里	李家莊 五十里
上榆溝 五十里	聚源山 六十里	東紫峯 六十里	鄒家堡 六十里	東平村 六十里
西崖家水 五十里	東崖家水 五十里	北石山 六十里	東德山 六十里	梁家莊 六十里
水園子 六十里	南石山 六十里	東德山 六十里	下陽落 六十里	上陽落 六十里
南興家莊 六十里	西陽落 六十里	東德山 六十里	下陽落 六十里	上陽落 六十里
酸刺臺 七十里	西陽落 六十里	東德山 六十里	下陽落 六十里	上陽落 六十里
下陽落 七十里	東德山 六十里	東德山 六十里	下陽落 六十里	上陽落 六十里



大同縣志

卷四

疆域

城西九十一村道里遠近指掌圖

宋家莊	三里	瓦窰村	二里	孫田堡	十里
新舖村	十里	十里店	十一里	馬軍營	七里
下黃莊	十里	上黃莊	十五里	雷公村	十二里
陽和坡	十二里	小黃莊	十二里	王家園	十五里
馬營兒	十五里	時家莊	二十里	三井村	二十里
平旺	二十里	拖皮村	二十二里	興旺莊	二十五里
石頭村	二十五里	青磁窰	二十三里	雞兒莊	三十里
竹林寺	三十里	驢園兒	三十五里	夏家莊	四十里
西紅牆兒	四十里	校尉屯	三十里	黎家莊	三十里
煤峪口	三十里	回去村	三十里	乾家河	三十里
趙家小村	三十里	西朱莊	三十里	五寨村	四十里
口泉	四十里	煙朱嶺	四十二里	黃崖底	四十五里
曹家窰	三十五里	石堰窰	四十三里	龍化皂	四十二里
大南溝	四十里	吳窰屯	三十五里	美家灣	二十九里
白克在	四十八里	水窰屯	三十八里	俞家灣	四十四里

大同縣志

卷四

疆域

七



高寨 五十二里
 交城 五十四里
 西榆林 六十六里
 碾子溝 五十七里
 小窰頭 五十三里
 李家灣新窰 五十里
 蔡家窰 六十五里
 劉官莊 六十里
 峯子溝 六十五里
 白塔兒 七十里
 陝溝村 六十六里
 北陽落 六十五里
 南深井 八十里
 北深井 八十里
 王將軍屯 九十里

西段莊 五十里
 西羊坊 五十六里
 柳樹溝 五十五里
 鄭家嶺 五十二里
 張家灣 五十五里
 下深湖 五十八里
 劉安窰 六十五里
 羅家新窰 六十二里
 桃柏溝 七十里
 小蒜溝 七十里
 韓家窰 六十里
 窰洞兒 七十五里
 蔡家山 八十里
 賊旺莊 九十里

郭家莊 五十里
 上窩寨 六十三里
 店兒上 五十七里
 南信莊 五十五里
 樓郭家坡 五十里
 上深湖 五十八里
 後所溝 六十五里
 殿家小村 六十里
 燕子山 七十里
 全家渠 六十里
 永興溝 六十里
 西馬家新莊 八十五里
 張大窰 八十里
 青圪塔 九十里



北城直圖

城北一百十八村道里遠近指掌圖

白馬城 十里	陳家莊 十里	德家小村 十里	賽坡 十二里
小石寺 十五里	馬站院 十二里	傅家小村 十里	煙家莊 十里
三條湖 十五里	王山貨峰 十八里	泉寺頭 十五里	淺井 十五里
孤店兒 二十里	聖水溝 二十里	北家莊 二十五里	楊家嶺 三十里
北羊坊 三十三里	孤山村 三十里	花園屯 二十里	陳家堡 二十七里
王千戶莊 三十里	東紅牆兒 三十里	石人村 二十四里	溝界寨 三十里
新家窠 三十里	李朵莊 二十里	泰地溝 三十二里	青陽嶺 三十五里
三百戶營 三十八里	馬家莊 三十五里	太平莊 三十五里	趙家坨 三十八里
北智家堡 三十里	小窯山 三十五里	大窯山 三十五里	火燒莊 三十八里
馬家兒 四十里	華窩湖 四十里	白山子 四十里	碓白溝 四十二里
北七里村 四十里	鎮魯堡 四十里	獅子村 四十五里	李華莊 四十五里
榆湖兒 四十里	謝氏莊 四十里	山 四十五里	飛指揮營 四十五里
水溝畔 四十五里	常盛花 五十里	上龍門 五十八里	上莊子 四十五里
南莊子 四十五里	二里橋 四十五里	趙秀莊 四十七里	馬河兒 五十五里
于鎮橋屯 四十二里			寶子溝 四十八里

北新莊 五十里	下甘溝 五十里	前井溝 五十里	朱家門 五十里
亂窠子 五十里	戶部村 四十里	東龍莊頭 四十里	西龍莊頭 四十里
王堂窠 五十里	趙家窠 五十里	東教場 五十里	外教場 五十里
晉光塔梁 五十里	祁皇墓村 五十里	西寺兒 五十里	西崖頭 四十里
鎮川堡 五十里	東羊坊 五十里	麻地溝 六十里	侯家堡 六十里
姜家莊 六十里	三墩子村 六十里	宏賜堡 六十里	楊里窠 六十里
唐不起灣 六十里	鎮魯新窠 六十里	胡家窠 六十里	後井溝 六十里
閻家窠 六十里	雁家窠 六十里	李三窠 六十里	張布袋溝 六十里
李大頭窠 六十里	小官窠 六十里	魯宋溝 六十里	安樂莊 六十里
鎮河堡 六十里	五旗村 六十里	謝家場 六十里	楊州窠 七十里
草漢頭窠 七十里	四道溝 七十里	堡子灣 七十里	河東窠 七十里
黑土墩 七十里	北藍家窠 七十里	丁家塔兒村 七十里	鷹嘴墩 七十里
遠槽子 七十里	前安兒 八十里	後安兒 九十里	善友溝 九十里
二隊窠 九十里	鎮邊堡 八十里	鎮堯堡 八十里	得勝堡 八十里
拒牆堡 八十里	馬廠村 八十里		

大同縣志

卷四

疆域

九

今大同縣四境皆古雲中地爲府城附郭首邑在

京師西北至京七百二十里在省城東北至省六百二十里

縣境東西廣一百八十五里

南北袤一百六十八里

縣治東鄉康石莊村距城一百三十里界接直隸西寧縣之小

莊兒

縣治西鄉向水汛距城五十五里界接朔平府左雲縣之高山

堡

汛西有交界碑碑西
左雲界碑東縣境

縣治南鄉小村兒距城八十五里界接應州之三門城

縣治北鄉鎮堯堡距城八十三里界接邊外豐鎮廳之三台道

縣治東南鄉鰲百村距城一百四十里界接廣靈縣之火石山
山嶺有碑南廣靈東天鎮西北皆屬大同蓋犬牙相錯者也

又東南鄉西堰頭村距城一百二十里界接陽高縣之東堰頭

又東南鄉西浮頭村距城七十里界接渾源州之圪塔鋪賀家
峪汛南有交界碑碑南渾源源界碑北縣境

縣治西南鄉柳東營村距城六十里界接懷仁縣城

縣治東北鄉吳家窰汛距城七十五里界接陽高縣之石牆坵
汛吳家窰汛東北有交界碑碑東北陽高界碑西南縣境

縣治西北鄉拒牆堡距城八十里界接左雲縣屬拒門堡邊牆

大同縣志

卷四

疆域

十

黑塔汛西有交界碑碑西左雲界碑東南縣境

由縣治東至直隸西寧縣城計程一百八十里

由縣治東南至渾源州城計程一百二十里

由縣治東北至陽高縣城計程一百二十里

由縣治西南至懷仁縣城計程八十里

由縣治西至左雲縣城計程一百二十里

由縣治北至豐鎮廳衙門計程一百里

由縣治南至應州城計程一百二十里

山川

縣境三面據山西北之山爲郡城之來脉起於朔平府屬助馬

至西之馬頭山由張家灣北逮縣交界東北五里爲後所溝
北嶺又東北十里爲上深澗南梁蜿蜒而南蟠爲鐮車嶺迤
邐而北折爲郭家坡至乾莊村高起重岡至龍探頭脫卸過
峽聳竹林寺之東爲小西天巨大窯山之南爲黃草梁由是
疊嶂數重至雷公山而開山作祖儼然一大都會矣

雷公山距城十五里郡城之主山也

雷音山在雷公山北距城二十里山上有雷音寺

磨兒嶺在雷音山西北距城二十五里巖岫岩堯盤紆峩鬱

枸芽山在磨兒嶺東北巍然高大峯巒多石下有谷曰小石口

暢家嶺在枸芽山北小泗河南距城三十五里

大同縣志

卷四

疆域

十一

陽和坡在雷公山南山下出泉流里許而伏

武周山在陽和坡南峙城正西距城十三里高峯崒嶰疊嶂

岨

小站口在武周山南麓距城十二里

黃草梁山在雷公山西北五里距城二十里

小西天山在黃草梁山西距城三十里巒形蔽日峯勢擎天

大窯山在黃草梁山西北距城三十五里

石堂山在吳官兒屯村北距城五十里

鐮車嶺在白廟村北距城五十里深澗蟠鬱蔥嶺迴還

北山之脉發於朔平府屬之彌陀山自黑塔兒汛鋪南草漢頭

塞北逮縣交界脉東南行至城北三十里亘爲縣治之元武名曰神山一名孤山形端位正所謂衆山皆大小爲尊者也按府志沙陀傳李克用引軍自神堆夜入雲州疑卽此今土人謂之孤山

野狐嶺在孤山西北距城四十里重山隆崛峻嶺險巖

五墩梁在野狐嶺西北距城五十里

晉圪塔梁在野狐嶺北距城五十里

開山中在晉圪塔梁東麓下

謹按大同開山口有三一在新平一在守口一在縣北其新平與守口之開山口俱非縣屬府志以守口之開山口

大同縣志

卷四

疆域

十二

爲縣北之開山口誤矣

老牛坡在宏賜堡北距城六十里

寺兒山發脉於塞外之蛤蟆山距城六十里

方山在寺兒山南距城四十里高三里盤踞三十里一峯壁立巔有北魏諸陵俗傳初皇墓其左如渾水北來逕之水經注如渾水流逕方嶺上有文明后陵陵之東北有高祖陵二陵之南有永固堂魏書太和元年於方山建思遠寺三年起文石室靈泉殿五年建永固石室舊志所謂方山宮遺址也明嘉靖十八年總督毛伯溫所築鎮邊鎮川宏賜鎮河鎮魯五堡分布山麓

東北諸山皆採掠之餘支採掠山一名紇真乃縣治之鎮山也
脉從塞外紅梁山發來距城四十里山東北有蘆葦溝溝東
北逮陽高縣溝西南逮大同縣南連採掠山北界邊牆隋書
地理志雲內有紇真山猶言千里也山冬夏積雪一名紇千
唐昭宗曰紇千山頭凍殺雀則其山峯峭峻高寒異常大非
他山可比亦可概見矣

又採掠山東連陽高之雲門山西南連小白登山上建採掠
大王廟及採掠觀山多產樂草明代藩諸墓在焉按採掠山
之名見於金史地理志北魏書謂之石會山明元帝大閱東
郊講武以山陽侯奚斤元城侯元屈行左右丞相大彌於石
會山是也又石勒時人張閒督賜姓石名會見晉書載紀山
之受名無可證實

小白登山在採掠山西南一名馬舖山距城十五里高一里盤
踞三十五里上有白登臺東北連採掠山以陽高縣南有白
登山故此加小也史記索隱引姚氏案北疆記謂桑乾河北
有白登山爲漢高被圍之所漢書注服虔曰白登臺名去平
城七里如淳曰平城旁之高地若邱陵也李穆叔趙記平城
東七里有土山高百餘尺方十餘里卽白登與服如說同顏
師古則謂在平城東山上去平城十餘里今其處猶存里數
不合蓋漢與北魏之平城雖均今府治其地界稍有差別故

水經注既引服如二氏之說又云今平城東十七里有臺卽白登臺臺南對罡阜卽白登山也漢魏時人據漢縣言唐人據代都屬縣言道元以北魏人記魏京邑親履其地其言必不妄是北魏平城東十七里卽漢平城東七里今東倉坡以東高阜處近之而陽高縣東南二十五里之白登山又何以名其說始於遼史之誤以長青縣爲漢白登臺地金史因之不知同一白登其在平城東七里者以山言陽高之白登以縣言魏書天興二年起鹿苑於南臺陰北距長城東包白登屬之西山廣輪數十里神瑞六年發京師六千人築苑起自舊苑東包白登周圍四十餘里蓋魏廣鹿苑遷白登之民於

大同縣志

卷四

疆域

十四

故地東百里外歷齊周隋唐及遼而始置縣意遼以前必有如今之所謂白登村者今乃以之氏縣猶敦水流逕白登村南亦謂之白登河後人以縣名白登遂指縣南小阜爲白登山其實漢高被圍之處不在此明史地理志大同縣有白登山陽和衛下但言元白登縣考据最確

東塘坡一名無憂坡在城東五里

聚稼山在採掠山南距城五十四里

土坡山在聚稼山南距城五十里

老帥嶺在土坡山南距城五十里

牛皮嶺在聚稼山東北距城五十里

金山一名焦山在牛皮嶺東南距城六十里

牌樓山在金山南距城六十里山形宛似牌坊

昊天寺山在牌樓山南距城六十五里山頂有昊天寺

狼卧山在採掠山南微東距城五十五里

老虎山在狼卧山南距城五十七里山形望之如虎

雙山在老虎山南距城六十五里東西兩峯卓然高並

少咸山在聚樂城北採掠山之東南距城六十五里

豐草山在少咸山南距城七十里

黑山在豐草山南距城六十五里

屹崱山在黑山南距城六十里

大同縣志

卷四

疆域

十五

酸刺棗山在圪堵山南距城七十里

東平山在酸刺棗山西南距城六十八里

峨峯山在採掠山東南距城七十五里

栢葉山在峨峯山東南距城八十五里

燕墩山在栢葉山南距城九十里

東孤山在燕墩山西南距城九十里

豐稔山在燕墩山東南距城九十里

虎尾山在豐稔山南距城一百二十里

前明景泰時也先自順聖川入寇應州大同總兵郭登敗
之於沙窩再敗之於栲栳山謹考順聖川在今縣治東南

桑乾河間之地

見明宏治十年重修六稜山釋迦寺碑記

沙窩在桑乾北岸譚

頭村西黑石崖東淮栲栳山其說不傳其遺蹟無所考府志載城東六十里有屹崱山詳其地勢恰當順聖川沙窩村之北百里而近若南由沙窩取道郃車嶺平梁曼衍初不意其險阨相薄也比及深入重地則黑山阻其北栢葉塞其東狼卧扼其西憑高臨下無處不可伏兵路隘溝深雖衆無所用武洵爲制勝之地尤堪要擊之區也疑屹崱山卽栲栳山殆亦豕亥之訛歟

東南山脉發於雁門始於龍首一名邊耀城南百里而遙山中溝曰銀洞溝西南應州屬溝東南渾源州屬溝北大同縣屬

大同縣志

卷四

疆域

十六

銀山在銀洞溝東距城一百里

小石山在銀山東距城一百里峯巒磈礧岑壁巉巖

黃土山在百谷寨南距城九十五里殆因土厚色黃遂以是名

大突頂山在黃土山東距城九十里圓峯突兀橫嶺巍峩東麓

有谷曰麻峪口峪中白氣瀰漫不出三日必雨鄉人每以占天

龐家山在麻峪口內距城九十里

馬耳山在大突頂山東距城八十里雙峯並峙若馬耳然東麓

有谷曰甕城口

團崖山在甕城口東距城七十五里巔頂團圞巖崖峭立

斷嶺關山在團崖尖峯兩山之間其下爲芍藥窠距城七十五里

尖峯山在斷嶺關山東距城七十五里孤峯削直上青雲

殿山在尖峯山東距城八十里疊嶂參差有桂殿蘭宮之勢

斧刃山在殿山東距城八十里其頂如鋒其岫如削東麓有

曰賀家峪

樺山在賀家峪內距城八十五里樹木葱蘢樺林尤盛

芥黃嶺在賀家峪東距城八十里山之西谷曰西大峪東谷口

東大峪又東曰后子口

萬家山在后子口東距城七十五里

大同縣志

卷四

疆域

十七

鳳臺山在萬家山東距城七十五里

黃崖山在鳳臺山東距城七十五里

風雲山在黃崖山東東浮頭南距城八十里風勁重岡雲饒列

岫山東有谷曰小王峪

丈夫山在小王峪東距城八十五里端巖秀聳高出羣山 有

谷曰正峪

帽兒山在正峪東距城八十五里圓頂端正有若幞頭東下有

谷曰黎峪

二郎頂山在黎峪村南距城一百里東下有谷曰大王峪

神堂山在大王村南距城一百五里

平頂山在貴仁村南距城一百一十里山陰谷曰石門峪東谷曰瞳堡峪

錐峯山在瞳堡村南距城一百一十里危峯秀峭如錐脫穎

筆架山在友宰堡南距城一百二十里

黃芽山一名五王頂距城一百二十里

呂公坡在楸林村南距城一百三十里坡內有呂仙祠

六稜山一名六銀山在楸林村東距城一百三十里奇峯秀峙

木列千章疊嶂峻嶒岡分六道

火石山在鰲石村東距城一百四十里赤石磊磊連峯如焰嶺

上有交界碑南屬廣靈東屬天鎮西北大同縣屬

大同縣志

卷四

疆域

十八

西南山脉從左雲縣南山發來其南一支由陡溝村入境東二

十里爲坤雲山其北一支由峯子澗逮界東四十五里爲西

岩寺山亘城西微南距城二十里崖畔有西岩寺

拖皮嶺在西岩寺山南距城二十五里南有谷曰火峪

卧龍山在拖皮嶺南煤峪口北山內距城三十五里山上建龍

王堂下有清泉辛莊河之源東南爲煤峪口

火烽山在煤峪口南距城四十里南爲口泉峪

鷓窩嘴山在火烽山西五里土可以陶一郡咸賴其利器用焉

鄭家嶺在鷓窩嘴山西北距城五十二里

煙嶺一名鳳山又名坤雲山在口泉村西距城四十二里奇峯

含翠深岫凝煙爲養泉所發源

七峯山在火烽山南距城四十五里山有七峯曰筆峯曰太史峯曰劍峯曰鰲峯曰白雲峯曰摩天峯曰玉女峯七峯羅列摩天峯最高山之陰屬縣治山之陽自玉龍河西逮懷仁縣八佛洞東逮大同縣

紅沙梁在七峯山南距城五十里梁上沙石皆作赤色梁下有谷曰白馬峪

月窟嶺在紅沙梁南距城五十五里兩山之際嶺當其中嶺下有谷曰炭窯峪

禪房山在月窟嶺南距城六十五里山陽有禪房寺今已圯廢

大同縣志

卷四

疆域

十九

塔兒山在禪房山南距城七十里一名丈人峯山勢崢嶸上建

七級浮圖東南有谷曰北果峪

陳家峪在塔兒山南于家園西距城八十里

小磨峪在陳家峪南距城八十五里

香爐山在小磨峪梁西距城九十里

栢山在香爐山南距城一百三十里山東左雲縣屬南懷仁縣屬

如渾河一名玉河發源於豐鎮廳北察哈爾奔奔之葫蘆海今名三泉兒南流至三台道北後營水西來注焉東南至潘家圪塔大莊科水東來注焉由鎮羗堡水口入塞逮界南流五

里至得勝堡南卷子河水西來注焉又南五里至黑土墩南石燕口水東來注焉又南十里宏賜河西來注焉東南十里至晉圪塔梁東麓開山水西來注焉又東南十里至黍地溝汛南鎮川河東來注焉又東南十里至孤山村南小泗河西來注焉南流三十里逕東郭外東南二十里至艾家莊西南武周川西來會焉又東南四十里至利仁皇村西古家坡村東入於桑乾河

按府志廳境凡五十餘里繇鎮羌邊牆水口南流入大同縣界又南逕宏賜堡又南逕榆澗村孤山村得勝河西來注之左得八墩口之水又南逕孤店明成化間巡撫王越

率兵出孤店潛行至貓兒莊進至威寧卽此又南逕馬站村白馬城又東南逕紫角村西紅花場東又南逕府東門外之興雲橋謂之玉河橋亦名玉河橋元泰定元年河東元帥圖綿重建更今名朝會轉輸東趨京師必踰是焉金史地理志大同縣有如渾水玉河實一水也其水東逕金大定中所立邊元忠碑溢而西出者曰柳港環植楊柳綠陰交翳昔郡人刺小舟消夏於此所謂柳港泛舟也今已涸如渾水又折而南逕郝家莊沙嶺子寺兒村舖南北獨覺寺其高阜爲獨覺岡有代藩諸墓又南合武周川水至高家店入桑乾河隸縣境凡百四十里按水經注如渾水

出旋鴻縣西南五十餘里東流逕故城南北俗謂之獨谷
孤城水亦卽名焉東合旋鴻池水水出旋鴻縣東山下水
卽成池北引魚谿水南流注池池水吐納川流以成巨沼
右合如渾水是總二水之名矣如渾水又東南逕永固縣
右會羊水亂流逕方嶺又南至靈泉池枝津東南注池池
渚舊名白楊泉泉上出白楊樹因以名焉南面舊京北背
方嶺左右山源亭觀繡峙方湖反景若三山之倒水下如
渾水又南分爲二水一水西出南屈入北苑中歷諸池沼
又南逕虎圈又逕平城西郭內又南屈逕平城縣故城南
又南與武周川水會又南流逕班氏縣故城東又東南流
注於濕水一水南逕白登山西又逕寧先宮東又南逕平
城縣故城東水左有大道壇廟右有三層浮圖其水自北
苑南出歷京城內河干兩湄累石結岸郭南結兩石橋橫
水爲梁又南逕藉田及藥圃西明堂東引水爲辟雍又南
與武周川水會今如渾水自方山南漸趨而東又透蛇而
南其西出而南之枝津泉池大槩涸塞錄之以見拓拔魏
建都時其水道通行如此

卷子河發源於豐鎮廳屬馬家園園由拒牆水口入塞逮界東
流里許繞拒牆堡南名曰南河又東十里逕營盤溝南又東
十里逕得勝堡南又東南三里入於如渾河

石燕莊河發源於豐鎮廳屬之蛤蟆灣由石燕水口入塞逮界西南流十里至黑土墩南入於如渾河

宏賜河發源於二道溝東流五里至宏賜堡南注於如渾河

開山口水發源於窰子溝東流十里至陡溝又東五里至晉圪塔梁東初皇墓村南入於如渾河

鎮川河發源於豐鎮廳屬官屯堡之神泉自八墩水口入塞逮界西南二里善友溝水東來注焉又西南五里至鎮川堡東西崖之衆泉注之其勢始大名曰萬泉河南流五里逕三里橋西西南流十里至黍地溝東入於如渾河

小泗河之水四道溝所出入塞於拒門口之右逮境於謝家場

大同縣志

卷四

疆域

二十二

之陰東流七里逕鎮河堡北又東十里逕下甘溝南又東十里逕鎮魯堡北轉而東南流七里逕北羊坊村東流至孤山村東南入於如渾河

武周川府志以爲發源於邊外之菱角海入塞於朔平之殺虎口誤矣蓋其水始左雲縣龍山由向水汛左始逮縣境逕白廟村姜家灣吳官兒屯至左雲屬之石佛寺共二十七里自油房溝西復入縣境逕青磁窰佛子灣觀音堂至縣郡西之小站口共一十八里折而南流五里逕王家園北轉而東流五里逕十里店南又東過西河合東河合田家村智家堡南艾家莊西馮家莊東與如渾河會

山在左雲西北
水汛已將百里

百谷神泉出武周山之陽汕房溝之左清流半里注於武周川
鄉人旱禱每有靈應殘碑猶在惜字迹泯焉

辛莊河發源於臥龍山泉東南流五里出煤峪口東流十里爲
乾河又東五里逕米家莊北東南三里逕樂里灣南東流五
里逕大路辛莊北東南十里逕馬圈頭村西折而西南流五
里逕古家小村東北轉而東南流入於口泉河

口泉河發源於鄭家嶺東流五里至柳樹溝鵬窩嘴泉水北來
注焉又東五里會坤雲山之養泉其流始大又東三里出口
泉峪東南流六里逕高家莊西又東南六里逕牆堰堡北斜
繞堡東又東南三里逕堡子店西又東南七里逕秀女村南

大同縣志

卷四

疆域

二十三

又東南七里至古家小村東辛莊河水西北來注焉又東南
五里逕邊家店西斜繞村南南流七里逕下米莊北斜繞莊
東又南三里逕南米莊北又東南三里爲灰河逕灰河村東
東流三里逕東興橋西斜繞東南又東逕馬港村西南環繞
東北轉而東南流五里至馬家莊西入於桑乾河

窯子坡水發源於月窟嶺北麓之下東南十里逕張陸莊南東
流八里至霸王店東南入於于家園河

于家園河發源於西窯子頭逾懷仁屬之鷺毛口至于家園村
西分而爲二南河東南流八里入懷仁縣界北河東北流十
里逕西秦城南轉而東南流五里至霸王店村東窯子坡水

西北來注焉又東南三里入懷仁屬之里八莊又東南三里至東作里西南復逮縣境逕東作里東再入懷仁屬之灰泉村南折而西南流至縣治之神嘴窩村東入於桑乾河西溪澗水發源於賀家店之清泉東南流三里至水頭村南合百寶泉水南流五里逕西平村東西南二里逕饗堂灣又西南三里逕寨子灣西南流八里至李汪澗西入於方城河王母河發源於崔家水南流五里逕上高莊東斜繞莊南西南流五里穿中高莊村又西南五里逕下高莊西轉而東南流八里逕康家店西折而西南流五里逕乾溝村西又東南十里至李汪澗西北入於方城河

大同縣志

卷四

疆域

二十四

泥河發源於解家莊灘東南流十里至鶯坊溝又東六里逕下莊堡南東流五里至李汪澗西南入於方城河
方城西河發源於駝坊村之西北澗東南五里至小方城西又東南三里至大方城村南入於方城東河
方城河發源於四十里舖東澗南流六里逕賈家皂東又南七里逕聚稼山西又南八里逕上魚澗西又南三里逕下魚澗西又南五里逕唐家堡西北環繞堡東東流里許折而南流七里逕小方城東又南三里至大方城東南西河水西北來注焉又東南八里至李汪澗村北王母河水北來注焉南流至村西西溪澗水東北來注焉又南至村西南泥河水西來

注焉又南七里逕陳家莊溝西東南流五里至滕家溝西南
流四里至馬家南坡西又南三里入於桑乾河
大泉發源於魚兒澗西南匯澤爲旱海又南開渠東流五里至
黑石崖西入於桑乾河
懸石之崖立泉出焉厥名普潤練影飛空龍涎激石噴珠迸沫
頓有高源雲外之致東流里許逕湧泉寺北折而南流逕尉
家小村東又南五里至尉家小堡又南二里入於桑乾河
神泉河發源於虎尾山南流八里逕趙石莊西西南十里逕蔚
家小村東又西南五里至神泉堡東北過神泉橋南流十里
至東施家會西入於桑乾河

大同縣志

卷四

疆域

二十五

渾河發源於渾源州之神頭村逕龍首山麓自中柳會入界北
流三里逕小長城村西折而東流五里逕舊站村南又東五
里至東長城西東北流五里至西新橋西入於桑乾河
龐家之山有泉曰清分爲數埒北流十里出麻峪口外又北二
里穿水澗村又北五里至佛堂寺西入於桑乾河
馬耳山麓川草坪間濫泉湧出流爲湄河西北十里逕吉家莊
東又北五里入於桑乾河
甕城河發源於渾源州之圪坨村自甕城口入界東北十里逕
南息村南環繞東北又四里入於桑乾河
沙河發源於渾源州之洞子溝自后子口入界東北十里逕孫

家港東又北二里逕舊堡南折而西流轉而北流三里入於桑乾河

桑乾河發源於朔平府屬之馬邑海自鄭家莊南李家小村北流入縣界東北五里至神嘴窩東于家園河北來入焉又東北五里至西新橋西渾河水南來入焉又東十里至佛堂寺西清泉水南來入焉又東五里至馬家莊西口泉河北來入焉又東北十五里至利仁皂西玉河水北來入焉又東北五里至吉家莊東湄河水南來入焉又東北十里至南息村東甕城河南來入焉東流二十五里至孫家港舊堡西北沙河

水南來入焉又東三十里至馬家南坡西方城河北來入焉

大同縣志

卷四

疆域

二十六

東北流十里至黑石崖西旱海水北來入焉又東北二十里逕普濟橋又東北十里逕龍門橋又東北十里至蔚家小堡西普潤泉北來入焉又東北二里至東施家會西神泉河北來入焉又東北五里至西堰頭南南徐堡北出縣交界

按府志云府屬豐鎮大同懷仁山陰應州廣靈陽高天鎮之水渾源西流之水皆滙焉其源潛承汾陽燕京山天池伏流至朔平府馬邑縣雷山之陽滙爲七泉曰上源曰玉泉曰三泉曰司馬洪濤曰金龍池曰小蘆曰小蒲七泉合而爲一是爲桑乾河漢志陰館累頭山治水所出武五子傳作台水桑欽謂之濕水北魏書謂之灑水亦曰桑乾川

酈道元曰卽潦涓水蓋桑乾之轉音也其水自泥河村東南流逕山陰縣西三十里之河陽堡入府境東流逕安銀子村遼蕭后駐兵處北逕安居坊又東北逕新舊岱岳村北魏泰昌間建岳瀆祠於桑乾之陰或其遺址折而東逕黃花嶺南之後小圪塔水經注所謂桑乾水逕黃瓜阜曲西又屈逕其堆南者也又東辛莊子河出大于口自左注之又東逕安昌寺麻合疇東湖嶺諸村入應州界東逕州西三十里之涼亭村其右黃水白泥二河繇師家坊東北流注之又東逕大營村木瓜河西來注之又東逕北賈寨曹娘子村左得磨道河之水又東左得清水河復折而北

逕白塘子村又東鹽鱣二河納南山諸口之水自右注之又北逕屯兒村里八莊河南流注之又東逕西安堡南堡在懷仁縣東南三十里順治六年大同縣所移治也其左崞川水循邊耀山北流注之又東北逕鄭家莊入大同縣界左得大峪口紅山峪之水又東逕新橋村古家坡與如渾水會又東逕甕城驛古定橋北明嘉靖間御史宋儀望請開桑乾河言源發金龍池下甕城驛古定橋卽此又東逕徐疇南又東北逕于家寨補村明史作卜村所謂大同卜村有叢石者也又東逕西冊田貴仁村東冊田亂石村西堰頭梁家馬營入陽高縣南川界又東南逕黃土梁南

又東逕東堰頭大柳樹小石莊南又東至西馬營入天鎮
縣南川界又東逕蘆子屯北嘴兒圖南五泉河石門溝之
水白左注之又東逕六稜山小鹽場南又東至直隸西寧
縣白家泉出境與壺流河合又東北流至保安州東南與
洋河合按水經注濕水東合武周塞水東南逕黃瓜阜又
東北左合夏屋山水又東北逕魏亭西又東北逕白狼堆
南又東逕巨魏亭北又東崢川水注之又東逕班氏縣南
如渾水注之又東北逕北平邑縣故城南又東逕沙陵南
又東逕狝氏縣故城北又東逕道人縣故城南又東逕陽
原縣故城南陽原卽今西寧縣黃瓜阜在山陰縣北夏屋
山在縣南 水卽今大于口水與武周川別白狼堆
在應州西北巨魏亭在州北如渾水繇今縣治南三十五
里會武周川入桑乾則班氏當在大同縣南而北平邑沙
陵狝氏道人當在陽高天鎮縣南西寧之西皆桑乾河經
流之府境也

龍湫出雷公祠東乃邑之禱雨處也由雷公山谷西行二三里
澗盤徑曲有坊建於山麓曰雷公返照坊之北有亭建於崖
畔曰沛澤亭之西林巒窳窳清光一綫是爲龍湫前任總鎮
狀元李公如柏題曰神應靈泉

青龍泉出陽和坡青龍洞綠陰一徑芳派涓流渠潭滴處琤琤

然作琴筑聲汲以烹茗色清而味甘流里許伏於沙土人謂復出於柳泉灣想當然耳

坤雲之山有泉瀉出旁建古刹植柳沿堤泉聲浩大居民攸賴

因有養泉之名

文鷲湖

俗名小東海

在東郭十里之間波澄一鏡瀆簇千家採掠諸

峯嶙峋環列競秀爭奇如覩十洲三島古刹橫雲林端隱見海旁蜃氣象樓臺彷彿似之扁舟航處文浪鱗鱗鷗波上下想北魏建都時更不知如何潤色也

敦水發源於少咸山逕聚樂堡西環繞東南至河兒頭流入陽

高縣境

大同縣志

卷四

疆域

二十九

山海經少咸之山敦水出焉水經注敦水導源於少咸山

南麓卽今白登河發源山下河兒頭村

黑龍池水發源於峨峯澗北流十里至河兒頭流入陽高縣境

馬跑泉在丁家塔兒村白馬寺下世傳唐太宗曾飲馬於此

五泉河發源大鎮馬頭山至康石莊逮界東流復入天鎮縣境

府志武周川下注沿河各村開渠以資引灌又口泉註村民開小渠分流灌田頗稱沃衍又註郡人郭傳芳撰觀察曹秋岳去思碑畧云龍沙止生寒黍不知六穀有粳稻先生開渠東阡因玉河下流且漑且糞立田杭稻千畦

按府志水利甚畧其意以邊城瘠薄之區不比沃饒未足以言水利不知民生在勤故勞則思思則善心生三晉之地山高而水亦高與南方之平疇漫衍其形勢迥不相同凡依山傍河者多能藉水力以資利賴油樛麩磨商賈之利北陌東阡農夫之澤水之爲利大矣哉農桑之政先於學校不可不亟亟也茲舉邑中之可灌可運者其地有十至於支分子渠不勝備載而近年所新開者則錄其公牘於篇

一曰養泉

即口泉

發源於坤雲山涓涓初流其下百脉交注滙而益旺峪以內專資運磨峪以外平田千頃繡壤交錯其澤普

焉

大同縣志

卷四

疆域

三十

二曰于家園發源於西窯子頭至是分而爲二其一逕懷仁縣境其在于家園者灌田甚廣

三曰泥河發源於解家莊經流十里而至鶯坊溝其泉惟資運磨

四曰犬泉發源於魚兒澗西南滙澤爲旱海又迤南始開而成渠亦資運磨

五曰立泉發源於懸石崖蜿蜒而至尉家小堡其流汪濊灌地既廣運磨亦多

六曰龐家山泉其泉分爲數埒普滋田疇

七曰沙河發源於渾源之洞子溝入邑境而至孫家港溉田甚

廣

八曰西平泉發源於水頭兒村至此而四時不竭一帶磨房依泉而立

九曰鎮川泉鎮川河發源於邊牆口外河中清泉一道嚴冬不凍可磨可灌

十曰清水泉源出於好舫廟平地湧泉冬夏不涸由寺兒村至小南頭其澤產魚蝦此與北門外之水磨泉相同

此外山溪小澗不可勝紀然邑境之水以武周川玉河桑乾三者爲經衆山之水皆注焉而武周又納於玉河玉河盡歸於桑乾故武周川自小峪口外王家園等村灌田者極多而

大同縣志

卷四

疆域

三十一

玉河之東欲求曹秋岳先生開渠遺跡杳無畦畛令人增滄海桑田之感然今寺兒村小南頭灘地自道光七年開渠試種以來綠野汪洋青葱一色以是知前聞之足信也

附錄寺兒村小南頭開墾灘地照下則認糧抵補海子窟

村荒缺詳案稟稿

節錄詳文內開復赴該灘勘丈斷令兩村各分灘地一半各開新渠一道灌水開墾試種灘中東西挖起土梁爲界各管各業此後不得再行爭執惟該處淤灘一總丈量僅一千四十步長一百六十步地屬無多且沙磧荒薄不能播種禾黍若議以計畝升科恐該處逼近大河春漲秋潦淹涸無定不能供賦然不

爲分段按畝召佃承業又恐紛爭侵佔無所限制嗣奉
藩憲議駁此地雖係玉河淤出而西有新舊渠三道東有泉渠
一道皆可引灌致兩村爭墾情願納糧涉訟其地非確可知
將來墾種成熟卽不能照上中科則亦應以下則依限升科遵
復親詣該灘覆加丈勘查原繪灘圖從寺兒村炭車路南起至
小南頭炭車路北止爲地不足五頃今寺兒村路北尚有可開
之灘地一頃餘畝共計兩村灘地開墾五頃五十畝再原繪灘
圖係總計丈量籠統折算今除去圪塆界畔及坎窠溝渠每一
畝濶二十步長二百十八步一分八釐共地五頃五十畝積寬
一萬一千步積長十一萬九千九百九十九步照依下地科則

大同縣志

卷四

疆域

三十二

寺兒村開種三頃五十畝每畝承糧銀一分五釐共承原糧銀
五兩二錢五分實應完地丁銀四兩二錢九分三釐應完本色
米一石九斗七升三合小南頭開種地二頃共承原糧銀三兩
實應完地丁銀二兩四錢五分四釐應完本色米一石一斗二
升八合按上下兩忙完納投具遵結前來抑卑職更有請者奉
發

欽頒州縣事宜敬謹誦讀其中字字句句皆爲司牧良箴內載一
民間田地條下有云各州縣中間有附近江河逐年坍沒或偶
遇山溪水發石壓沙淤以及逃亡積荒無徵糧額皆責令現年
包賠若使遵照革除則前頃錢糧卽歸無着是以難有才能之

吏亦多陽奉陰違臣訪知弊源急圖釐革故於上虞縣夏蓋湖
開墾淤地案內具題請

旨將額外丈出所墾田糧抵補本縣缺荒無徵外有餘者以之撥
抵各縣攤賠額糧荷蒙

俞允欽遵在案蓋新墾報陞於

國家增益之糧爲數有限而抵補積荒免無辜賠納之累爲利無
窮等因今有卑縣海子窰村距城六十里原日村中地畝十頃
有餘本係下地科則完糧而該村緊靠桑乾大河與玉河兩水
交會之區早年因雨河水漲將地畝淹塌沒爲河身以致有糧
無地卑職自道光三年到任後查訊該處地畝何時被水冲淹

大同縣志

卷四

疆域

三十三

歷年久遠無從查考惟地戶李志強等八十四戶多係無力賠
糧逃亡無踪現在村居十數家均爲老弱所累不能遠涉而因
村中逃亡坍塌地畝歷年賠完錢糧甚至鬻女賣妻實堪憫惻
蓋錢糧有關

國帑不得絲毫無着卑職展轉思維無可設法現有寺兒村與小
南頭村新開灘地請將該兩村所認承完之糧銀米豆撥抵海
子窰被河冲塌之地糧卽令於徵糧冊內彼此過割庶

國帑固不致於虛懸而海子窰窮民可甦涸轍之困洵屬公私兩
全似與

欽頌州縣事宜之條有合茲奉前因所有卑職復勘訊議緣由擬

合具詳請

又稟稿

敬稟者

卑職

詳請以寺兒村小南頭新開灘地

照下則承糧將糧銀米豆撥抵海子窰村坍塌淹沒地糧一案業已另具公牘伏候

憲臺轉詳批示祇遵竊思新開灘地雖認糧無多而理宜陞科至海子窰坍塌沒地糧亦例應詳請豁除第陞科與豁糧二者均非易辦之事卑職忝膺地方之責凡在分所應為萬不敢畏難而自阻奈關北民貧土瘠該兩村新開灘地不過窮簷小戶藉種雜糧以資口食若以陞科議詳請勘一切履畝丈量文移上下誠恐兩村居民未得其利而先受其擾若海子窰村之苦則更言之慘然南逼桑乾東瀆玉河破瓦透簷傾圮於高崖懸壁之上十室九空朝烟半斷而每逢上下忙徵糧之時邑中俗規家倒累戶戶倒累村是以該村逃亡坍塌之糧不能不歸於現在之戶其哀籲慘怛之狀實為目不欲覩耳不忍聞卑職每欲詳請

題豁然而事之不易更有甚於陞科

卑職

拘泥成案未敢輕言辦

理茲蒙檄發

欽頒州縣事宜一冊讀至民間田地之條見當日

浙江督憲李以上虞縣開墾湖地除抵補本縣缺荒無徵外有餘者撥抵各縣賠糧其言曰新墾報陞於

國家增益之糧為數有限而抵補積荒免無辜賠納之累其利無

大同縣志

卷四

疆域

三十四

窮卑職 將此條文義向三村居民詳爲解說莫不踴躍歡呼皆

籲請轉稟如蒙

上憲批允則如登衽席如解倒懸其歌

皇仁而頌

憲恩者靡有既極道光八年十二月二十八日大同府奉

布政司劄付葉 爲遵例開墾等事道光八年十二月二十日

蒙

巡撫部院徐 批本司呈詳該府轉請將大同縣寺兒等村淤

出灘地抵補海子窰冲刷無地糧銀緣由蒙批如詳照議轉飭

遵照辦理仍飭將寺兒村與小南頭村承認灘地糧戶造冊呈

大同縣志

卷四

疆域

三十五

送查核毋遲繳遵結書冊圖說存等因蒙此擬合就行爲此仰

府官吏查照

院批詳內事理即便轉飭遵照仍令將寺兒等村承認地畝魚

鱗四至墾戶籍貫姓名分晰造具清冊三本星飛詳送以憑核

明詳送

院憲查核毋得任延飛速火速須至劄付者

又奉

布政司葉 批稟查此案已據另詳核議轉詳矣仰俟奉批至

日另檄飭遵繳等因均奉本府轉行到縣在案

嘉慶十九年間有壽陽縣人郭姓來縣南鄉小灘兒村謂其地

可開渠功成之後與村人各分一半愚民爲利所誘遂許之郭復於省南煽惑二十餘人共勦貲本冀開渠後共得無窮之利年餘用費大錢七千緡歸於無濟省南人皆棄之而逃不特水利終不能興且錢糧無着村中可耕之地又爲挑挖渠道損敗因此訟無虛日其貽禍於鄉愚者至矣極矣故利之所在害卽伏之世之知有利而不知有害者未足與言水利也備書於此以爲鹵莽滅裂者戒

玉河自收入武周川水勢益大由智家堡艾家莊而南至落陣營等村不特開渠澆灌且砂礫平灘一二年間淤成膏腴此利於民用者亦復不少故曰因民之所利而利之斯不亦惠而不

大同縣志

卷四

疆域

三十六

費乎

府志載縣東鄉康石莊渠溉田四十八頃五十一畝有奇與陽高縣西坦坡天鎮縣定安營興隆堡張家窰城窰堡顧家營鹹水皂嘴兒圖爭截擅利雍正七年定循次按時引溉法

府志載陽高縣小石莊渠一道由大同縣西堰頭引入灌田數十頃此租地開渠者也西堰頭有二渠皆自黑石崖下引水其上渠一道陽高之小石莊天鎮之大石莊共之由小石莊村北將小石莊地灌畢上滿下接次至大石莊是以兩村皆交西堰頭渠租其下渠一道灌小石莊村南之地與大石莊無干惟小石莊交西堰頭渠租道光七年小石莊人於村南另開子渠灌

及邨北是欲以下渠之水一租而兩用也大石莊人向隅西堰頭人失利訟經府案大同陽高二縣會鞫斷令填塞子渠仍復舊規詳郡批准立案事歸平允又小石莊另有北來水渠每年赴陽高糧捕衙門納水課銀五兩餘經訟之初小石莊以歲納水課西堰頭何得其引水竊疑渠水取於桑乾所謂取之不禁者也西堰頭之收租收渠道之地租非水租也則水課五兩何自來哉研訊顛末始得其詳故於申文內聲請更正以免影射府卷及大同陽高二縣俱足存據